

大寶積經

阿多心敬題



61-90 卷

3

16-24 会

唐 · 菩提流志 编译



上海佛学书局印行

大寶積經

第三冊

唐·菩提流志编译

第 61—90 卷·第 16—24 会

上海佛学书局

依新修《大正大藏经》印行

大寶積經

总 目 录

第一册

重排前言..... 1

卷 序	会序	经 名	译 者	页 次
1—3	1	三律仪会	唐·菩提流志	1
4—7	2	无边庄严会	唐·菩提流志	47
8—14	3	密迹金刚力士会	西晋·竺法护	111
15—16	4	净居天子会	西晋·竺法护	215
17—18	5	无量寿如来会	唐·菩提流志	247
19—20	6	不动如来会	唐·菩提流志	277
21—25	7	被甲庄严会	唐·菩提流志	311
26—27	8	法界体性无分别会	梁·曼陀罗仙	383
28	9	大乘十法会	北魏·佛陀扇多	409
29	10	文殊师利普门会	唐·菩提流志	433

第二册

卷 序	会序	经 名	译 者	页 次
30—34	11	出现光明会	唐·菩提流志	1
35—54	12	菩萨藏会	唐·玄 奘	69
55	13	佛为阿难说处胎会	唐·菩提流志	407
56—57	14	佛说入胎藏会	唐·义 净	423
58—60	15	文殊师利授记会	唐·实叉难陀	455

第三册

卷 序	会序	经 名	译 者	页 次
61—76	16	菩萨见实会	北齐·那连提耶舍	1
77—79	17	富楼那会	后秦·鸠摩罗什	219
80—81	18	护国菩萨会	隋·阇那崛多	281
82	19	郁伽长者会	曹魏·康 僧 铠	321
83—84	20	无尽伏藏会	唐·菩提流志	347
85	21	授幻师跋陀罗记会	唐·菩提流志	365
86—87	22	大神变会	唐·菩提流志	385

88—89	23	摩诃迦叶会	东魏·月婆首那	413
90	24	优波离会	唐·菩提流志	451

第四册

卷 序	会序	经 名	译 者	页 次
91—92	25	发胜志乐会	唐·菩提流志	1
93—94	26	善臂菩萨会	后秦·鸠摩罗什	27
95	27	善顺菩萨会	唐·菩提流志	51
96	28	勤授长者会	唐·菩提流志	63
97	29	优陀延王会	唐·菩提流志	73
98	30	妙慧童女会	唐·菩提流志	85
98	31	恒河上优婆夷会	唐·菩提流志	95
99	32	无畏德菩萨会	北魏·佛陀扇多	101
100	33	无垢施菩萨应辩会	西晋·聂道真	119
101	34	功德宝花敷菩萨会	唐·菩提流志	143
101	35	善德天子会	唐·菩提流志	151
102—105	36	善住意天子会	隋·达摩笈多	169
106	37	阿闍世王子会	唐·菩提流志	235
106—108	38	大乘方便会	东晋·竺难提	243
109—110	39	贤护长者会	隋·闍那崛多	281

111	40	净信童女会	唐·菩提流志	311
111	41	弥勒菩萨问八法会	北魏·菩提留支	323
111	42	弥勒菩萨所问会	唐·菩提流志	329
112	43	普明菩萨会	失译师名	341
113—114	44	宝梁聚会	北凉·道 龚	365
115	45	无尽慧菩萨会	唐·菩提流志	395
115—116	46	又殊师利说般若会	梁·曼陀罗仙	405
117—118	47	宝髻菩萨会	西晋·竺 法 护	429
119	48	胜鬘夫人会	唐·菩提流志	473
120	49	广博仙人会	唐·菩提流志	493

附录·第一册

(一)重排说明·····	447
(二)法会主要人物索引·····	449
(三)经译者简介·····	454
(四)说法地点简介·····	463
(五)经名 会名 同本异译对照表·····	466
(六)汉文《大藏经》简介·····	474

大 宝 积 经

菩 萨 见 实 会 第 十 六

北齐·那连提耶舍译

上 海 佛 学 书 局

依新修《大正大藏经》重排

菩萨见实会第十六

提 要

序品第一

佛在尼居陀林，遣迦卢陀夷教化父净饭王。（以上卷六十一）

净饭王诣佛品第二

天龙八部同集佛所，王亦来礼。说偈问答。

阿修罗王授记品第三

毗摩质多等十一阿修罗王与六十那由他眷属，设大供养，而得受记。（以上卷六十二）

本事品第四

大迦叶入“如实三昧”，忆念过去阿僧祇、阿僧祇劫如来所修一切功德，以偈赞佛。佛为说不可说劫之前，有佛号“因陀幢王”，以恒河沙世界为一佛刹，庄严清静，国中众生，纯正定聚。于是文殊菩萨从东方“高威德王佛”所而来，发明“因陀幢王”即我“释迦”。

迦楼罗王授记品第五

龙女授记品第六（以上卷六十三）

龙王授记品第七

鸠槃荼授记品第八

乾闥婆授记品第九(以上卷六十四)

夜叉授记品第十

紧那罗授记品第十一

先有疑问,如来答释。乃设供授记。(以上卷六十五)

虚空行天授记品第十二

四天王天授记品第十三

三十三天授记品第十四

夜摩天授记品第十五

叹佛能知二谛,及广设供,佛与授记。(以上卷六十六)

兜率陀天得授记品第十六

推授记不可得,但是世谛言说,如梦不实。倍设供养得记。

化乐天授记品第十七

解一切法实际无二际,而得道记。

他化自在天授记品第十八

自言尚不见实,况复见际。彼法非可知、非可识、非可舍、非可修、非可证。而得道记。

诸梵天等授记品第十九

离诸分别,定心清静,以寂灭法,说偈赞佛。而得道记。(以上卷六十七)

光音天等得授记品第二十

说照耀一切法三昧,及偈赞佛。而得道记。

遍净天授记品第二十一

说超过一切三昧,乃偈赞佛。而得道记。(以上卷六十八)

广果天授记品第二十二

说无量门陀罗尼，及偈赞佛。而得道记。（以上卷六十九）

净居天子赞偈品第二十三

共四百五十三人各说偈赞。（以上卷七十、七十一）

遮罗迦波利婆罗闍迦外道品第二十四

八千外道请问决疑。佛说从六道来受生习气。及说对治法。外道悟无生忍。偈赞获记。（以上卷七十二）

六界差别品第二十五

佛为净饭王说内外六界，皆是假名，无来无去。及说诸根如幻，境界如梦；顺、违、中庸三种六尘，皆具三解脱门。（以上卷七十三、七十四、七十五）

四转轮王品第二十六

一无量称王，二地天王，三顶生王，皆以无厌足而取大苦；四尼弥王，以不放逸而成大益。

说此本生四王事已，劝净饭王修不放逸，观一切法无生陀罗尼门，及不灭等六十七法门。

七万释种得无生法忍。佛与授记，皆生安乐世界，后皆成佛。

次嘱舍利弗，受持流通。（以上卷七十五（部分）、七十六）

——录自藕益大师《阅藏知津》

卷 61

菩萨见实会第十六

之 一

北齐·那连提耶舍译

序品第一

如是我闻：

一时，佛在迦毗罗国尼居陀林，与大比丘众千二百五十人俱，其名曰优楼毗螺迦叶、伽耶迦叶、那提迦叶、摩诃迦叶、舍利弗、大目犍连，一切皆是大阿罗汉，诸漏已尽，无复烦恼，其心自在，心善解脱，慧善解脱，如大龙象，所作已办，皆弃重担，逮得已利，尽诸有结，于正教中心得善解，于一切法心无所碍。到于彼岸，自得解脱；解脱眷属，自得调伏；调伏眷属，自得寂定；寂定眷属，自得度脱；度脱眷属，已到彼岸；彼岸眷属，已到陆地；陆地眷属，自得安隐；安隐眷属，自得寂灭；寂灭眷属，自破烦恼；破烦恼眷属，自得沙门；沙门眷属，自得息恶；息恶眷属，自婆罗门；婆罗门眷属，自除恶法；除恶法眷属，自了知诸法；了知诸法眷属，自能得度；能度眷属，自具诸德；具诸德眷属，自无烦恼；无烦恼眷属，自离五支；离五支眷属，自得离障；离障眷属，自得静意；静意眷属，自具六通；具六通眷属，自离憎爱解脱；离憎爱解脱眷属，自守护一心；守护一心眷属，自念门具足；念门具足眷属，自依四依；四依眷属，自离种种诸见；离种种诸见眷属，自弃诸希望；弃诸希望眷属，自得尽行；

尽行眷属，自得事讫；事讫眷属自修；自修眷属，自无浊念；无浊念眷属，自断有觉；断有觉眷属，自倚身行；倚身行眷属，自得乐不动；乐不动眷属，自心善解脱；心善解脱眷属，自慧善解脱；慧善解脱眷属，自得贤圣；贤圣眷属如是等比，得离枝叶除去皮肤，唯有心实，坚固而住。

*

*

*

尔时，世尊于其后夜露地而坐。时比丘众四面围绕。尔时，世尊默然而住，观比丘众，告诸比丘：“汝等诸人访觅一人，堪能往化净饭王者。”

尔时，慧命**阿若憍陈如**，即从坐起，偏袒右肩，右膝着地，合掌向佛，即便作礼，白佛言：“世尊，我当往化净饭王耶？”佛言：“汝止！憍陈如，汝今具足大师之德，不应往彼。”

时，有慧命婆娑摸，及大名耶输陀、优楼毗螺迦叶、摩诃迦叶、舍利弗、大目连等，各白佛言：“世尊，我等堪能往化净饭王也。”佛告摩诃目连：“汝等且止！汝等皆悉具足大师尊重之法，不应往化。”

尔时，大德摩诃**目连**，即作是念：“世尊今者欲令谁往化净饭王耶？”尔时目连即入如实三昧，以三昧力庄严其心，即得见佛意之所念。在于慧命迦庐陀夷，欲令往化净饭王耳！譬如重阁楼窗之中，日从东入光照西壁。如是目连见世尊心，专在迦庐陀夷欲令化王，亦复如是。

尔时，慧明目连即从定起，往迦庐陀夷所，到已，白言：“世尊心念，知汝堪能往化净饭王。迦庐陀夷，汝今应当发大勇猛速往化王。”

目连作是语已，时慧命**迦庐陀夷**白目连言：“凡庶难化，何况国王！何以故？刹利种姓灌顶大王，有自在力，难可化故。

大目连，譬如聚积众柴，若二、若三，乃至千载如此柴聚，经多年岁，甚大干燥，于时有人，放火烧之，成大火聚。于意云何，此之火聚，宁为大不？”目连言：“甚大！”“若复有人更以无量酥油溉灌，此火增盛不？”大目连言：“转炽倍盛。”“于意云何，此火可近不？”目连言：“难可得近。”“如是大目连，刹利种姓灌顶大王，难可教化不可得近，亦复如是。大目连，譬如狂象之牙可触以不？”目连言：“不可触也。”“如是，大目连，灌顶刹利难可教化，亦复如是。”

时，慧命目连，复白优陀夷言：“世尊心念知汝堪能往化净饭王也。”

优陀夷复白目连言：“世尊实垂顾念，谓我堪能往化净饭王耶？”

目连答言：“世尊实诚念汝，谓汝堪能教化父王。”

尔时，世尊自告优陀夷言：“优陀夷，汝可入城教化父王。何以故？唯我与汝堪能教化净饭王耳！优陀夷，我诸声闻弟子之中，汝能教化诸邑聚落最为第一。”

尔时，世尊即以偈颂，告优陀夷言：

“谛听优陀夷	汝能善教导	必令释种喜	往化最胜王
王今受悟时	兼利诸天人	必得到彼岸	汝当速往化
释种净饭王	今怀恨乱浊	住念惠不行	犹如坠高崖
恋惜子高位	慧心尽迷没	如商失重宝	追念生大苦
如天坠宫殿	追恋五欲乐	未知佛正法	悲哀大恼乱
自念失七宝	及与人四道	忆此圣王位	口出非法言
王时悲乱言	不觉已及他	如夺精魂鬼	执持于人身
犹在鸡罗山	一切无所见	如是恼恨障	应见不复睹

亦如睡眠死	己心不自了	忧恨迷惑障	王不识自喜
如妇夫婿亡	悲泪生忧悔	王今痴恼乱	哀恋生大苦
汝具巧方便	往化净饭王	摧倒邪慢幢	当建正法灯
更无有能化	净饭大王者	唯汝优陀夷	过去曾同行
优陀夷当知	曾有大国王	名曰增长实	声名震十方
如法作国主	一切皆归化	能以正法治	王领四天下
城邑悉满中	花果香园苑	多诸贤圣众	无有杂恶人
芳林甚稠密	地净无棘刺	多饶净妙等	花池庄严好
人民广殷盛	弃恶常善住	闭诸恶趣门	必升妙天道
彼王昔有子	曾广供养佛	备修诸善根	具足诸功德
名曰妙坚惠	亿众所供养	常见色欲过	弃家乐闲静
父王敕子言	汝可受五欲	彩女自娱乐	游观宝宫池
我今为汝办	玩弄无乏少	云何不爱乐	汝当说其意
知诸趣善妙	汝爱宝宅中	女宝常围绕	妙境甚可乐
诸仙处闲林	犹舍退还家	受诸色欲乐	况汝无乏少
彩女众围绕	王臣皆随从	台馆若天宫	应受五欲乐
诸女甚端正	美丽若天人	善奏歌舞乐	可以自娱意
目如优波叶	唇赤若含丹	面满广黛眉	平额姝咽颈
膺平缺骨满	臂如象王鼻	掌如莲花色	指圆臚纤好
舌薄广红赤	美言若甘露	齿素利齐密	珠璎宝衣服
脐深腹不现	脊如金刚杵	脾股臚圆直	伊尼鹿王蹠
行步如鹅王	皆各瞻视汝	盛年甚可爱	堪能存后嗣
汝及众丽人	犹如春花开	盛年色未退	应当速受乐
坚慧白父王	王言非正理	若有如法语	所敕不敢违
王听我今说	乐善真实语	乃至于梦中	不起淫欲想
父王今此言	智者所不许	愚者乐此事	明人常所厌

何故明目人	而羨盲瞽导	岂有岸上人	反乐沉溺者
何有解脱人	而复乐牢狱	岂有安乐人	钦羨众苦者
我意观父王	如盲溺狱者	如梦受五欲	复为欲所溺
父王如盲冥	我目见殊胜	王为欲所漂	我今甚厌贱
欲如毒药器	亦如毒蛇头	如利刀剑稍	亦如大猛火
王臣劝化时	坚慧悉不许	捐亲及国土	弃欲而出家
如蛇脱故皮	亦如弃涕唾	远离于过恶	绝望永出家
坚慧舍俗时	臣子随出家	其人名月施	弃欲随坚慧
童子出家已	并及大臣子	成就四梵住	具足五神通
深见五尘过	超绝于欲界	转正妙法轮	直生梵天上
童子出家已	父王起嫌恨	月施诣王所	善化令王喜
优陀夷当知	昔时坚慧者	远离于五欲	今即我身是
优陀夷当知	彼时增实王	岂为异人乎	净饭王是也
优陀夷当知	随我出家者	月施汝身是	亦曾化增实
是故优陀夷	今应化父王	必有大利益	昔曾教化故”

尔时，慧命优陀夷受佛教已，默然许可。时优陀夷，过夜晓已，至于食时，着衣持钵，入迦毗城。时有释种一千余人，集在王门，皆有所须。

时，净饭王闻佛如来到迦毗城，在尼居林，起嫌恨意：“此儿出家退我种族富贵大乐，如其在家，应绍金轮王四天下，如法统领，民无逆命，七宝具足。其七者何？一曰轮宝，二曰象宝，三曰马宝，四曰摩尼宝，五称女宝，六曰主藏臣宝，七称导师宝。具足千子，勇健难当，颜容美妙，能摧强敌，护四天下，不以刀杖料理国土，如法治正自然泰平，我得轮王自在快乐，彼应尊重供养于我。以儿出家故，所应得者悉皆坠落。”作是念已，

敕诸释种，一切不得至我儿所敬信听法，若有犯者，当斩其首。

时有释种，名曰**喜面**，不在众中，不闻王教，见优陀夷，即往其所，稽首白言：“善来尊者，得平安耶？世尊安乐，少病少恼，起居轻利，在路不疲，供饌不乏也？”

时，优陀夷报喜面言：“如来安乐，少病少恼，起居轻利，在路不疲，饮食无乏。”

时有释种名曰**善觉**，见喜面共优陀夷在屏处语，亦诣其所。白言：“大德自远而来比康吉耶？世尊起居安乐，少病少恼，在路不疲，供饌无乏耶？”

优陀夷答言：“如来圣御安乐，在路不疲，无所乏少。”

尔时，复有二释种：一名**无忧**，二名**离忧**，见喜面、善觉共优陀夷在于屏处，亦复弃众往诣其所。白优陀夷言：“善来至此，气力好耶？世尊起居安乐耶？远涉途路得无疲耶？”优陀夷报言：“如来圣御安乐，涉路不疲。”时二释种重白言：“如来途路，何故无乏也？”优陀夷报言：“以四天王及天帝释诸梵天王，常来供养，故无所乏。”

时，诸释种俱白优陀夷言：“我等今欲诣佛，至世尊所供养听法，恐不获遂。何以故？净饭大王向有敕旨，敕诸释种，悉皆不听至佛所，供养听法，如有犯者当斩其首。虑王宪故，不得礼拜供养，听受正法。”

时，优陀夷闻此语已，知其父王有大怨恨。我今作何方便至王所也？作是念已，我当举高七多罗树，于虚空中结跏趺坐至于王所。

尔时，慧命优陀夷，即入如实三昧，以其三昧庄严其心。复以神力，举高七多罗树，于虚空中跏趺而坐，飞空往诣净饭王所。

时，王遥见优陀夷以神通力于虚空中跏趺而来，从座而起，合掌恭敬，向优陀夷而说偈言：

“染服大师从何来 成就威仪难见者
若有所须愿速说 我今诚心必奉给”

尔时，慧命优陀夷，以偈答曰：

“我是大王子之子	大王即是我祖父	我为如来行乞食
得食奉送大善逝	大王今日获善利	玉儿人天最尊上
威德光明照十方	犹如秋月日中时	如日处空离云雾
光明晃曜普皆照	如是最胜王圣子	威德光显闻十方
犹如秋日初出时	蔽诸萤火光普照	如是最胜王圣子
伏诸外道独显曜	犹如日中盛隆炽	凌于星辰故不现
如是最胜王圣子	降伏外道自光显	犹如日中凌月明
令月失光明不现	是王圣子伏外道	如日盛明月隐照
如禽兽闻师子吼	水陆空行散还穴	惊奔逃走迷诸方
以师子声难忍故	大圣如来震吼时	邪外道闻无我声
假使无知至有顶	闻此无我皆悉怖	盲冥愚痴人天中
有目如来示明炬	为作明灯除愚暗	兴举无上智光轮
显示邪正等不等	教导世间道非道	为失路者示其路
拔欲淤泥置岸上	如兴云荫覆枯池	注雨充足原湿满
如是大王仙圣子	兴建法雨润人天	如水沾地及山川
并诸百卉丛林树	药草条茎及枝蔓	诸花蓊蔚遍山好
如是十力四无畏	具足十八不共树	一切智果花庄严
王仙圣子微妙身	如须弥山处大海	严好不动天乐居
如斯善逝大王子	沙门海中最第一	忉利天主舍脂夫
于天众中奇特妙	如斯世尊大王子	沙门众中最殊妙